

# Дээнэ хаалгыг бэглхмн

ТОКИО. (ТАСС). „Соединенн Штатс, Тайванэс гаран авчхатн! Японь дээнд орлцхд харш болнавдн! Ядерн селмиг уурулхмн! Китдлэ дипломатическ залгылда кехиг хэрү бүүрдэхмн!“ — гисн лозунгста, ик гидг митинг Токиод болв. 15 миньгын кун цуглрсн митинг, Японьд октябрин 1-д эклсн, ядерн селмиг уурулхмн гисн нарт делкэн ницлтин үүлдвр сара хонгин программас иштэгээр кегдв.

Япона социалистическ партин ахлач Судзуки тер митинг деер эврэннь келсн үгдэн, Тайванэ районд американск империалистнрин гаргыджах йовдлн икэр шалгыдж гемшэв. Япона газрт бээх базмудиг, Соединенн Штатс эврэннь зертэ-зевтэ дэврлгнлэн олзлгын, япон улсин тэвкнүн бээлгннд ик аамшг үзүлджэ-нэ гидж Судзуки заав. Орн-

нутгин тэвкнүнд дурта цугчидлн негдүлдж, Японьд болн цуг Азийл тэвкнүн бээлгтеткхмн, дээнэ хаалгыг боохмн, гидж Судзуки келсн үгдэн дуудв.

Түүнэ дару босдж үг келсн Япона профсоюзин генераль советин ахлачин дарук Имamura, японо-китайск хоорндк бээдлн ясрулхин тэла, Тайваньд болджах американск зертэ-зевтэ дэврлтин өмнэс, Китдин Олн-амтнэ Республикин ормиг ООН-д өгхин тэла болн Японь ядерн селмэр аслгнни өмнэс ноолдхд япона кэдлмшч класс белн гидж гэрчлв.

Митингд орлсн улс ик гидг өргмджтэгээр, япона амтсин неквр медүлджэх деклараци авб.

Митингин хэбн демонстраци болв.